



Search

Search

Home > R&DO Sarikei Division > Julau District Office > Profail Daerah Julau

Home

Sarikei Division Administration

Our Services

About Sarikei

R&DO Sarikei Division

Tourism

Open Data

Media Corner

Download

Contact Us (Address, Tel, Fax)

Program BITE SIZE 2017

Profail Daerah Julau

Profail Daerah Julau

Julau merupakan salah sebuah daerah yang terletak di Bahagian Sarikei. Daerah Julau mempunyai keluasan 1,703.39 km persegi dengan jumlah penduduk seramai 15,816 orang yang terdiri daripada kaum Iban, Cina, Melayu dan lain-lain. (Sumber: Bancian Penduduk 2010). Pekan Julau kini mudah dihubungi melalui jalan raya iaitu jaringan Lebuhraya Pan Borneo dengan beberapa bandar lain antaranya Sarikei (66 km), Bintangor (48 km), Kanowit (39km) dan Sibul (60 km). Untuk datang ke daerah ini, anda boleh menggunakan pengangkutan seperti van sewa atau kenderaan persendirian.

Walau bagaimanapun, pengangkutan sungai masih dijadikan sebagai pengangkutan utama bagi penduduk kawasan pedalaman untuk ke Pekan Julau. Ia juga menerima tempas pembangunan ekonomi dengan meningkatnya aktiviti perniagaan di sini, disebabkan kedudukannya berhampiran dengan dua buah bandar utama kawasan tengah Sarawak iaitu bandar Sibul dan bandar Sarikei.

Kebanyakan penduduknya mengusahakan tanaman lada, getah, padi dan buah-buahan. Di samping itu, sesetengah penduduk juga melibatkan diri dalam bidang perniagaan, bekerja di sektor pembalakan dan tidak terkecuali di sektor perkhidmatan awam dan juga swasta.

Daerah Julau ini terkenal dengan hasil pengeluaran lada. Di samping itu, apabila tiba musim buah-buahan, Pekan Julau ini terkenal dengan buah-buahan tempatan seperti rambutan, durian, manggis, langsung, buah dawai dan sebagainya serta pelbagai sayuran hutan.

Menariknya, suasana Pekan Julau menjadi sibuk pada setiap hari Ahad dengan ramai penduduk dari Maradong, Sarikei, Sibul, Kanowit dan Bintangor berkunjung ke pasar minggu di situ. Seminggu sekali para petani akan berkumpul memasarkan pelbagai hasil tani atau ternakan mereka sehingga mewujudkan suasana dan pemandangan yang sangat menarik. Malah, pekan itu akan menjadi sesak dengan pelbagai kenderaan serta orang ramai yang lalu lalang.

